

წინამდებარე ხელშეკრულება იდება შპს „საქართველოს გაერთიანებული წყალმომარაგების კომპანიის“ მიერ 2017 წლის 18 მაისს გამოცხადებული SPA170007067 ელექტრონული ტენდერის საფუძველზე

ქ. თბილისი

27 ივნისი 2017 წ.

ერთის მხრივ შპს „საქართველოს გაერთიანებული წყალმომარაგების კომპანია“ (შემდგომში „შემსყიდველი“) წარმოდგენილი მისი დირექტორის გიორგი კობერიძეს სახით და მეორეს მხრივ შპს „ნეოგაზი“ (შემდგომში „მიმწოდებელი“), წარმოდგენილი მისი დირექტორის მოადგილის ჭიაბერ ჭიაბრიშვილის სახით „სახელმწიფო შესყიდვების შესახებ“ საქართველოს კანონისა და პრეტენდენტის სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელმაც მოიპოვა გამარჯვება გამარტივებულ ელექტრონულ ტენდერში და მიაწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.
- 1.6 შესყიდვის ობიექტი/საქონელი/საწვავი - წინამდებარე ხელშეკრულების ფარგლებში ნიშნავს ბუნებრივ აირს (კლასიფიკატორის კოდი CPV 09100000), რომლის შესყიდვასაც ახორციელებს შემსყიდველი წინამდებარე ხელშეკრულების პირობების შესაბამისად.

2. ხელშეკრულების საგანი

- 2.1 წინამდებარე ხელშეკრულების საგანს წარმოადგენს შპს „საქართველოს გაერთიანებული წყალმომარაგების კომპანიის“ ბალანსზე რიცხული ავტომანქანებისთვის ბუნებრივი აირის მიწოდება (09100000 - საწვავი; 09123000- ბუნებრივი აირი).
- 2.2 ხელშეკრულებით გათვალისწინებული საქონლის ზუსტი აღწერა და რაოდენობა მოცემულია ფასების ცხრილში - დანართი N1-ში რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

- 3.1 შესყიდვის ობიექტის ფასი განისაზღვრება ლარებში
- 3.2 შესყიდვის ობიექტის საერთო ღირებულება შეადგენს 2100 (ორი ათას ასი) ლარს დღგ-ს გათვალისწინებით;
- 3.3 ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის მოწოდებასთან დაკავშირებულ ყველა ხარჯსა და საქართველოს კანონმდებლობით გათვალისწინებულ ყველა გადასახადს.
- 3.4 მისაწოდებელი საქონლის ერთეულის ღირებულება მოცემულია დანართ N1-ში.

4. ანგარიშწორების წესი

- 4.1 ანგარიშსწორება მოხდება ლარებში.

4.2 გადახდის ფორმა – უნაღდო.

4.3 დაფინანსების წყარო: შპს „საქართველოს გაერთიანებული წყალმომარაგების კომპანიის“ 2017 წლის სახსრები.

4.4 მიწოდებული საქონლის ღირებულების ანაზღაურება განხორციელდება საქონლის მიწოდების მომდევნო თვეში, ანგარიშსწორებისთვის საჭირო დოკუმენტაციის მიმწოდებლის მიერ წარმოდგენიდან 10 (ათი) სამუშაო დღის ვადაში.

4.5 წინასწარი ანგარიშსწორება არ გამოიყენება.

5. შესყიდვის ობიექტის მიღება-ჩაბარების წესი

5.1 საწვავი ყოველი კონკრეტული მოცულობით მიწოდებულად ჩაითვლება შემსყიდველისთვის გადაცემული პლასტიკური ბარათების ავტო გაზგასამართ სადგურ(ებ)ზე გამოყენებით/განაღდებით („საწვავის მიწოდება“). შესასყიდი ობიექტის მიწოდების შემდგომ ყოველი თვის ბოლოს მხარეთა შორის ფორმდება „შესასყიდი ობიექტის შემსყიდველისთვის მიწოდების მიღება-ჩაბარების აქტი“, მიწოდებული საწვავის რაოდენობის მითითებით, რაც ადასტურებს მიმწოდებლის მიერ ნაკისრი ვალდებულებების შესრულებას

5.2 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება-ჩაბარების აქტებზე ხელმოწერას და საქონლის მიღების დადასტურებას განახორციელებს შპს „საქართველოს გაერთიანებული წყალმომარაგების კომპანიის“ ქუთაისის სერვის ცენტრის საფინანსო სამსახურის უფროსი ნანი კახაძე.

6. საქონლის მიწოდების ვადები და პირობები

6.1 მისაწოდებელი საქონელი უნდა აკმაყოფილებდეს დანართი N1- ში მოცემულ მახასიათებლებს.

6.2 საქონელი მიწოდებული უნდა იქნეს (ავტომანქანის ავზში ჩატვირთული უნდა იქნეს) საბარათე სისტემის საშუალებით შემსყიდველის მოთხოვნის შესაბამისად 2017 წლის 25 დეკემბრის ჩათვლით ავტომანქანის გაზ გასამართ სადგურზე მიყვანისთანავე.

6.3 შესასყიდი ობიექტის შემსყიდველისთვის მიწოდება განხორციელდება საბარათე სისტემის გამოყენებით შემსყიდველის მიერ ავტოსატრანსპორტო საშუალებებზე განსაზღვრული ლიმიტების შესაბამისად. კერძოდ: საწვავის მიწოდება შემსყიდველისთვის ხორციელდება „პლასტიკური ბარათების“ მეშვეობით, მიმწოდებლის, მისი შვილობილი კომპანიების მფლობელობაში არსებულ ავტოგაზგასამართ სადგურზე მათი განაღდების გზით. ავტოგაზგასამართი სადგურების ჩამონათვალი დანართი #2-ის სახით თან ერთვის წინამდებარე ხელშეკრულებას. პლასტიკური შემსყიდველის მიერ გამოყენება (განაღდება) განხორციელდება 2017 წლის 25 დეკემბრის ჩათვლით. აღნიშნული ვადის გასვლის შემდგომ თუ სხვა რამ არ იქნება წერილობით შეთანხმებული მხარეებს შორის პლასტიკური ბარათის ავტოგაზგასამართ სადგურებზე განაღდება დაუშვებელია

6.4 პლასტიკური ბარათების მეშვეობით საწვავის მიწოდება განხორციელდება შემდეგი წესით:

(ა) წინამდებარე ხელშეკრულების ხელმოწერის შემდგომ არაუგვიანეს 2 (ორი) სამუშაო დღის ვადაში მიმწოდებელი თავის ვებ-გვერდზე გაუხსნის შემსყიდველს ანგარიშს (შემდგომში „სპეციალური ანგარიში“).

(ბ) შემსყიდველის მოთხოვნის შესაბამისად მიმწოდებელი უზრუნველყოფს შემსყიდველის მიერ შესაძენი შესაბამისი მოცულობის საწვავის სპეციალურ ანგარიშზე ხელმისაწვდომობას. მისაწოდებელი მოცულობის საწვავის შესახებ მოთხოვნას შემსყიდველი გადასცემს მიმწოდებლის მიერ გამოყოფილ საკონტაქტო პირს.

(გ) საწვავის მოთხოვნილი მოცულობის სპეციალურ ანგარიშზე შემსყიდველის ხელმისაწვდომობის უზრუნველყოფის შემდგომ, მიმწოდებელი გადასცემს შემსყიდველს პლასტიკურ ბარათებს წინამდებარე ხელშეკრულების ხელმოწერიდან არაუგვიანეს 5 (ხუთი) სამუშაო დღეში მხარეთა შეთანხმებისამებრ შემდეგ მისამართზე: ქ.თბილისი, გაზაფხულის ქუჩა #18, პლასტიკური ბარათები გაიცემა შემსყიდველის მფლობელობაში არსებული ავტოსატრანსპორტო საშუალებების რაოდენობით (შემსყიდველის მიერ ასეთის მოთხოვნის შემთხვევაში.) პლასტიკური ბარათების გადაცემის შემდგომ მხარეთა შორის ფორმდება „პლასტიკური ბარათების შემსყიდველისთვის გადაცემის მიღება-ჩაბარების აქტი“, რომელიც ადასტურებს შემსყიდველისთვის პლასტიკური ბარათების გადაცემის ფაქტს.

6.5 სპეციალურ ანგარიშზე საწვავის ჩარიცხვისთანავე შემსყიდველს მიეცემა საშუალება ანგარიშზე არსებული დარიცხული მოცულობის/ნაშთის საწვავი შეუზღუდავად, თავისი შეხედულებისამებრ, გადაანაწილოს მის კუთვნილ ერთ ან რამოდენიმე პლასტიკურ ბარათზე მიმწოდებლის ვებ-გვერდის საშუალებით, შემსყიდველის საიდენტიფიკაციო სახელისა და პაროლის გამოყენებით.

6.6 სპეციალურ ანგარიშზე ჩარიცხვის შემდეგ საწვავი არ ექვემდებარება დაბრუნებას, ხოლო პლასტიკური ბარათის/ბარათების დაკარგვასთან, დაზიანებასთან ან განადგურებასთან დაკავშირებული ყოველგვარი რისკი გადადის შემსყიდველზე.

6.7 პირველად საიდენტიფიკაციო სახელსა და პაროლს მიმწოდებელი მიღება-ჩაბარების აქტით გადასცემს შემსყიდველს/უფლებამოსილ წარმომადგენელს და ამავდროულად უტარებს შესაბამის ინსტრუქტაჟს პაროლის შეცვლისა და გამოყენების წესების შესახებ. შემსყიდველი ვალდებულია ანგარიშის პირველ გამოყენებამდე და პლასტიკურ ბარათების გამოყენებამდე შეცვალოს მიმწოდებლის მიერ გადაცემული პაროლი, წინააღმდეგ შემთხვევაში ანგარიშზე უნაბართვო/არასანქცირებული წვდომის შედეგად წარმოქმნილ ზიანზე პასუხისმგებლობა ენიჭება შემსყიდველს.

6.8 პლასტიკური ბარათის შემსყიდველისთვის გადაცემა ადასტურებს შემსყიდველის/მისი წარმომადგენლის უფლებას ავტოგასამართ სადგურზე მიიღოს პლასტიკურ ბარათზე ჩატვირთული შესაბამისი საწვავი. პლასტიკური ბარათის დაკარგვის ან/და დაზიანების შემთხვევაში შემსყიდველი ვალდებულია ვებ-გვერდის მეშვეობით თავად მოახდინოს პლასტიკური ბარათის ბლოკირება, პლასტიკური ბარათის დაკარგვის ან/და დაზიანების შემთხვევაში პლასტიკური ბარათების გამოყენებით გამოწვეულ შედეგებზე ყველანაირი პასუხისმგებლობა და რისკები ეკისრება მხოლოდ შემსყიდველს.

6.9 პლასტიკური ბარათის პროგრამულად დაზიანების შემთხვევაში მიმწოდებელი უსასყიდლოდ დაუმზადებს შემსყიდველს ახალ პლასტიკურ ბარათს.

7. მხარეთა უფლება-მოვალეობანი

7.1 "შემსყიდველი" უფლებამოსილია:

ა) ნებისმიერ დროს განახორციელოს "მიმწოდებლის" მიერ ნაკისრი ვალდებულებების შესრულებისა და ხარისხის ინსპექტირება;

ბ) საქონლის მიწოდების დასრულებამდე გამოითხოვოს "მიმწოდებლისაგან" მისთვის საჭირო დოკუმენტი.

7.2 "შემსყიდველი" ვალდებულია:

ა) უზრუნველყოს "მიმწოდებლის" მიერ მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს პროცესს და საჭიროების შემთხვევაში, "მიმწოდებელს" გაუწევს შესაბამის კონსულტაციას.

7.3 "მიმწოდებელი" უფლებამოსილია:

ა) მოსთხოვოს "შემსყიდველს" მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4 "მიმწოდებელი" ვალდებულია:

ა) მიაწოდოს „შემსყიდველს“ სათანადო ხარისხის და რაოდენობის საქონელი წინამდებარე ხელშეკრულებით გათვალისწინებული ვადებისა და პირობების დაცვით.

ბ) უზრუნველყოს წინამდებარე ხელშეკრულების დანართ N1-ში მითითებული ტექნიკური მახასიათებლების შესაბამისი საქონლის მიწოდება;

გ) უზრუნველყოს მისი ბრალეულობით „შემსყიდველისთვის“ მიყენებული მატერიალური და არა მატერიალური ზარალის ანაზღაურება.

8. ხელშეკრულების შესრულების კონტროლი

8.1 შემსყიდველს უფლება აქვს ნებისმიერ დროს განახორციელოს მიმწოდებლის მიერ ხელშეკრულების პირობების შესრულების კონტროლი.

8.2 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

8.3 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს შპს „საქართველოს გაერთიანებული წყალმომარაგების კომპანიის“ ქუთაისის სერვის ცენტრის საფინანსო სამსახურის უფროსი.

9. ხელშეკრულების პირობების შეუსრულებლობა

9.1 ხელშეკრულებით ნაკისრი ვალდებულების შესრულების ვადის გადაცილების შემთხვევაში, „მიმწოდებელს“ დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.

9.2 ხელშეკრულებით ნაკისრი ვალდებულებების შეუსრულებლობის შემთხვევაში, „მიმწოდებელი“ ჯარიმდება ხელშეკრულების ჯამური ღირებულების 3 (სამი) პროცენტის ოდენობით.

9.3 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, „შემსყიდველი“ იტოვებს უფლებას შეწყვიტოს ხელშეკრულება და მოსთხოვოს „მიმწოდებელს“ ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.4 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9.5 ამ მუხლით გათვალისწინებული საჯარიმო და პირგასამტეხლოს თანხები დაუკავდება მიმწოდებელს საქონლის ღირებულებიდან, იმ შემთხვევაში თუ საქონლის მიწოდება არ არის განხორციელებული მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესაბამისი თანხა შესმსყიდველის სასარგებლოდ, ხოლო იმ შემთხვევაში თუ საქონლის ღირებულება ნაკლებია საჯარიმო თანხაზე მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესმსყიდველის სასარგებლოდ საჯარიმო თანხებსა და საქონლის ღირებულებას შორის არსებული სხვაობა შესმსყიდველის სასარგებლოდ.

10. ხელშეკრულებაში ცვლილებაში შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 „მიმწოდებლის“ მიერ ხელშეკრულების პირობების შეუსრულებლობის შემთხვევაში „შემსყიდველი“ უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.3 ხელშეკრულება ასევე შეიძლება მხარეთა ინიციატივით შეწყდეს, ურთიერთშეთანხმების საფუძველზე.

11. ფორს-მაჟორი

11.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

11.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა. სხვა გაუთვალისწინებელ გარემოებებთან ერთად ასეთ გარემოებებში იგულისხმება ასევე რომელიმე ავტოგაზგასამართი სადგურების მწყობრიდან გამოსვლა/ავტოგაზგასამართ სადგურზე ბუნებრივი აირის მიწოდების შეჩერება მიმწოდებლისგან დამოუკიდებელი მიზეზით.

11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, 3 დღის ვადაში უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

11.4 მხარეთა პასუხისმგებლობა და ვალდებულებები განახლდება ფორს-მაჟორული მდგომარეობის მოქმედების დასრულებისთანავე

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ საქართველოს სასამართლოს მოქმედი კანონმდებლობის შესაბამისად.

13. ხელშეკრულების მოქმედების ვადა

14.1 ხელშეკრულება ძალაში შედის ხელშეკრულების ხელმოწერის დღიდან და მოქმედებს 2018 წლის 30 იანვრის ჩათვლით.

14. სხვა პირობები

14.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

14.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.4 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შემსყიდველი:

შპს „საქართველოს გაერთიანებული
წყალმომარაგების კომპანია“
მის: ქ.თბილისი, ვაჟა-ფშაველა 76 N8
სს „ლიბერთი ბანკი“
ცენტრალური ფილიალი
კოდი: 220101480, LBRTGE22
ა/ა N GE77LB0113123325230012
ს/კ 412670097

გიორგი გობერიძე
დირექტორი



მიმწოდებელი:

შპს „ნეოგაზი“
მის: ქ. თბილისი, გაზაფხულის ქ. N18
სს „თიბისი ბანკი“
კოდი: TBCBGE22
ა/ა GE49TB7206736020100003
ს/კ 405037213
ტელ: 221 03 31

ჭიბერ ჭიბრიშვილი
დირექტორის მოადგილე



N	საქონლის დასახელება	საქონლის ძირითადი მახასიათებელი	წარმოშობის ქვეყანა/მწარმოებელი	რაოდენობა /განზომილები ს ერთული	ერთეულის ფასი	საერთო ღირებულ ება
1	დაწნეხილი ბუნებრივი აირი	(საავტომობილო გაზი) მინიმუმ 7600 კ.კალ/მ³	აზერბაიჯანი, სოკარი	1 500 მ³	1.40	2100
ჯამი : დღე-გათვალისწინებით					2100 (ორი ათას ასი) ლარი	

შემსყიდველი:

შპს "საქართველოს გაერთიანებული
წყალმომარაგების კომპანია"



გიორგი კობერიძე
დირექტორი

მიმწოდებელი:

შპს „ნეოგაზი“



ჭიბერ ჭიბურჭილი
დირექტორის მოადგილე

დანართი 2.

ინფორმაცია აირავტოგასამართი სადგურების შესახებ

(1) ავტო გაზგასამართი სადგურები

N	მისამართი	შენიშვნა
1	ქ. თბილისი, უნივერსიტეტის ქ. №6	
2	ქ. თბილისი, მდ. მტკვრის მარჯვენა სანაპიროზე ბაქტერიოფაგისკენ ჩასასვლელი გზის მიმდებარედ	
3	ქ. თბილისი, ქავთარაძის ქ. №19	
4	ქ. თბილისი, საქართველოს სამხედრო გზასა და გლდანში გადასხვევი გზის გადაკვეთასთან	
5	ქ. თბილისი, ჯავახეთის ქ. ვარკეთილის-3-ის საცხოვრებელი რაიონის III მ/რ-ის მოპირდაპირედ	
6	ქ. თბილისი, გულუას ქ. №22	
7	ქ. თბილისი, კახეთის გზატკეცილზე შშენებარე თხევადი გაზით გასამართი სადგურის მიმდებარედ	
8	გურჯაანის რაიონი, სოფელი მუკუზანი	
9	ქ. თელავი, თბილისის გზატკეცილი მე-2 კმ.	
10	გარდაბნის რაიონი, სოფელი მარტყოფი	
11	ქ. მარნეული, 26 მაისის ქ.	
12	მცხეთის რაიონი, სოფელი წეროვანი	
13	ქ. გორი, სტალინის გამზირის დასაწყისი	
14	ქ. ხაშური, გორგასალის ქ. №30	
15	ქ. ქუთაისი, გუგუნავას ქ. №1	
16	ქ. სამტრედია, სანავარდოს ქუჩა (სოფელ დაფნართან)	
17	ქობულეთის რაიონი, სოფელი გვარა	
18	ქ. ახალციხე, ახალქალაქის გზატკეცილი, მე-2 კმ.	

(2) მოძრავი ავტო გაზგასამართი სადგურები

N	მისამართი	შენიშვნა
1	ქ. თბილისი, გლდანი, მე-5 და მე-6 მკ.რ.-ს შორის	
2	ქ. თბილისი, მექანიზაციის ქ. №1	
3	ქ. რუსთავი, ახალი ხიდის მიმდებარე ტერიტორია	
4	ქ. რუსთავი, აღმაშენებლის და ფანცულაიას ქუჩის მიმდ. ტერიტორია	
5	გარდაბნის რაიონი, სოფელი მარტყოფი	
6	საგარეჯოს რაიონი, სოფელი სართიჭალა	
7	ახმეტის რაიონი, სოფელი ზემო ხოდაშენი	
8	ქ. გურჯაანი, სანაპიროს ქ. №16	
9	ხაშურის რაიონი, სოფელი გომი, საჩხერის გადასახვევი	
10	ქ. სამტრედია, კოსტავას ქ. №3	
11	ქ. ვანი, სანაპიროს ქ. №1	
12	ქ. ოზურგეთი, #2 ჩაის ფაბრიკის მიმდებარე ტერიტორია	

შემსყიდველი:

შპს „საქართველოს გაერთიანებული
წყალმომარაგების კომპანია“
ს/კ 412670097



გიორგი კობერიძე
დირექტორი

მიმწოდებელი:

შპს „ნეოგაზი“
მის: ქ. თბილისი, გაზაფხულის ქ. N18



ჭიკაბერა ჭიკაბრიშვილი
დირექტორის მოადგილე

№ 196/ს-4

18 მაისი 2014წ

რ წ მ უ ნ ე ბ უ ლ ე ბ ა

მე, შპს „ნეოგაზის“ (საიდ/კოდი: 405037213) დირექტორი ზურაბ გოზალიშვილი (პ/ნ 01017006100) (შემდგომში მოხსენიებული როგორც „მარწმუნებელი“)

ჭიაბერ ჭიაბრიშვილს (პირადი № 01011010535) (შემდგომში მოხსენიებული როგორც „რწმუნებული“) ვანიჭებ შემდეგ უფლებამოსილებას, რათა მან იმოქმედოს შპს „ნეოგაზის“ სახელით და განახორციელოს შემდეგი მოქმედებები:

1. რწმუნებული უფლებამოსილია:
 - 1.1 წარმოადგინოს მარწმუნებელი ყველა ადმინისტრაციულ ორგანოში (მათ შორის სახელმწიფო და ადგილობრივი თვითმმართველობის ორგანო და დაწესებულება, საჯარო სამართლის იურიდიული პირი), აღსრულების ეროვნულ ბიუროში, ფიზიკურ და იურიდიულ პირებთან ურთიერთობაში და შეუზღუდავად აწარმოოს შესაბამისი საქმე, დაიცვას მიმდგომის/საზოგადოების ინტერესები, წარადგინოს, მოითხოვოს და მიიღოს მათგან ნებისმიერი სახის ინფორმაცია ან/და დოკუმენტაცია, აგრეთვე მათ კომპეტენციას დაქვემდებარებულ საკითხებზე შესაბამისი ნებართვების ან ლიცენზიების გაცემა, მარწმუნებლის სახელით აწარმოოს მოლაპარაკებები და წერილობითი მიმოწერა ნებისმიერ საკითხთან დაკავშირებით.
 - 1.2 გააფორმოს, გააგრძელოს, შეცვალოს ან შეწყვიტოს შრომითი და სხვა ნებისმიერი ტიპის ხელშეკრულებები (მომსახურების, იჯარის, აღნაგობის, ქირავნობის, სესხის, შრომის, ნასყიდობის, გადაზიდვის და სხვა).
 - 1.3 გასცეს მინდობილობები, ხელი მოაწეროს მარწმუნებლის დასაქმებული თანამშრომლების მივლინებისა და შევბულების დოკუმენტებს.
 - 1.4 საზოგადოების შიდა ორგანიზაციული საკითხების გადაწყვეტის მიზნით გამოსცეს ნებისმიერი სახის ბრძანება.
 - 1.5 საზოგადოების შიდა ორგანიზაციული პროცესების შეფერხების თავიდან აცილების მიზნით ხელი მოაწეროს მიმდინარე შიდა დოკუმენტაციას.
 - 1.6 საზოგადოების სახელით გააგზავნოს და ჩაიბაროს ნებისმიერი სახის დოკუმენტი/წერილი.
 - 1.7 მარწმუნებლის სახელით მონაწილეობა მიიღოს ნებისმიერი სახის აუქციონებსა და ტენდერებში ან/და გააფორმოს ნებისმიერი სახის გარიგებანი.
 - 1.8 წარმოადგინოს მარწმუნებლის/კომპანიის ინტერესები ადმინისტრაციული ორგანოების წინაშე, მათ შორის აღსრულების ეროვნულ ბიუროში. აღნიშნულის უზრუნველსაყოფად მარწმუნებლის სახელითა და საკუთარი ხელმოწერით წარადგინოს ნებისმიერი სახის განცხადება ან საჩივარი, მოითხოვოს შესაბამისი ადმინისტრაციულ-სამართლებრივი აქტის გამოცემა, მონაწილეობა მიიღოს ადმინისტრაციულ წარმოებაში.
 - 1.9 ხელი მოაწეროს ნებისმიერი სახის დოკუმენტს წინამდებარე რწმუნებულებით გათვალისწინებულ უფლებამოსილებათა განხორციელების მიზნით.

- 1.10 მინიჭებულ უფლებამოსილებასთან დაკავშირებით განახორციელოს ნებისმიერი მოქმედება რაც დაკავშირებული იქნება აღნიშნული დავალების სრულყოფილად განხორციელებასთან.
2. რწმუნებული ვალდებულია მინიჭებული უფლებამოსილება განახორციელოს პირადად.
3. არავინ არ შეიძლება ეჭვქვეშ დააყენოს რწმუნებულის უფლებამოსილებანი იმის გამო, რომ წინამდებარე რწმუნებულებაში რწმუნებულის უფლებები ამომწურავად არ არის ჩამოთვლილი. რწმუნებული უფლებამოსილია შეასრულოს სხვა ნებისმიერი მოქმედება, რაც პირდაპირ არ არის მითითებული ამ რწმუნებულებაში, მაგრამ აუცილებელია რწმუნებულებით გათვალისწინებული დავალების შესრულებისათვის.
4. რწმუნებულება მოქმედებს 2017 წლის 19 მაისიდან 31 დეკემბრის ჩათვლით.

დირექტორი

ზურაბ გოზალიშვილი

